




Broj:01-02-1629/16  
Sarajevo,26.10.2016. godine

Na osnovu člana 26. stav 1. tačka 2. i člana 74. stav 1. Statuta Grada Sarajeva („Službene novine Kantona Sarajevo”, broj 34/08 – prečišćeni tekst), Gradsko vijeće Grada Sarajeva, na 43. sjednici održanoj 26.10.2016. godine, usvojilo je

Izvještaj o primjeni Odluke o upotrebi grba, imena i isticanju zastave Grada Sarajeva.



PREDSJEDAVAJUĆI GRADSKOG VIJEĆA

*Suljo Agić*  
Suljo Agić



**IZVJEŠTAJ**  
**o primjeni Odluke o upotrebi grba, imena i isticanju zastave**  
**Grada Sarajeva**

*Predlagač: Gradonačelnik*

*Obrađivač: Gradska služba za opću upravu*

**Sarajevo, oktobar 2016. godine**

---

Hamdije Kreševljakovića 3, 71000 Sarajevo, BOSNA I HERCEGOVINA

Tel. ++387 33 – 208 340; 443 050, Fax: ++387 33 – 208 341

[www.sarajevo.ba](http://www.sarajevo.ba)

[e-mail: grad@sarajevo.ba](mailto:grad@sarajevo.ba)

## IZVJEŠTAJ

### o primjeni Odluke o upotrebi grba, imena i isticanju zastave Grada Sarajeva

#### Uvodne napomene

Odlukom Gradskog vijeća Grada Sarajeva o upotrebi grba, imena i isticanju zastave Grada Sarajeva („Službene novine Kantona Sarajevo“, broj 05/06 – prečišćeni tekst) propisani su uslovi za odobravanje upotrebe grba i imena, te isticanje zastave Grada Sarajeva.

Obzirom da je Odlukom o organizaciji i djelokrugu organa uprave i upravne organizacije Grada Sarajeva („Službene novine Kantona Sarajevo“, broj 07/07), nadležnost na provođenju Odluke o upotrebi grba, imena i isticanju zastave Grada Sarajeva prenijeta na Gradsku službu za opću upravu, to je Gradsko vijeće Grada Sarajeva, donijelo Odluku o izmjenama Odluke o upotrebi grba, imena i isticanju zastave Grada Sarajeva („Službene novine Kantona Sarajevo“, broj 33/07).

Shodno Programu rada Gradskog Vijeća Grada Sarajeva za 2016. godinu, Izvještaj će, u sadržajnom smislu, dati kraći pregled sa podacima o podnesenim zahtjevima, te donesenim rješenjima u skladu sa Odlukom o upotrebi grba, imena i isticanju zastave Grada Sarajeva.

#### Aktivnosti na rješavanju podnesenih zahtjeva u periodu oktobar 2015. godine – oktobar 2016. godine

U izvještajnom periodu podneseno je ukupno 4 zahtjeva za odobravanje upotrebe imena Grada Sarajeva, a rješavani su kako slijedi:

1. Rješavajući zahtjev Udruženja „Centar for studies and consulting Sarajevo-Quds“ iz Sarajeva od, 29.09.2015. god., gradonačelnik je na prijedlog Službe, 01.10.2015. god., donio Rješenje o odobravanju upotrebe imena Grada Sarajeva u nazivu ovog udruženja.

Upotreba imena Grada Sarajeva odobrena je uz obavezu plaćanja godišnje naknade u iznosu od 100,00 KM, a što je određeno u skladu sa članom 17. stav 4. Odluke o upotrebi grba, imena i isticanju zastave Grada Sarajeva kojim je, pored ostalog propisano da se pravnim licima čija djelatnost nije usmjerena na sticanje dobiti utvrđuje godišnja naknada u iznosu od 100,00 KM.

Djelatnost ovog Centra je davanje doprinosa u borbi protiv svih vrsta nepravde i diskriminacije putem pisane riječi.

2. Rješavajući zahtjev od 10.11.2015. god. Udruženja „Sarajevski Fudbalski klub 2000 Sarajevo“ gradonačelnik je na prijedlog Službe, 11.11.2015. god., donio Rješenje o odobravanju upotrebe imena Grada Sarajeva u nazivu ovog udruženja, Upotreba imena Grada Sarajeva odobrena je uz obavezu plaćanja godišnje naknade u iznosu od 100,00 KM, a što je određeno u skladu sa članom 17. stav 4. Odluke o upotrebi grba, imena i isticanju zastave Grada Sarajeva kojim je, pored ostalog

propisano da se pravnim licima čija djelatnost nije usmjerena na sticanje dobiti utvrđuje godišnja naknada u iznosu od 100,00 KM.

Naime, djelatnost ovog udruženja je sportska djelatnost koja je nesporno djelatnost od posebnog društvenog interesa, jer promoviše sportske vrijednosti i sport kao oblik zdravog življenja, naročito na međunarodnom planu i utiče u pozitivnom smislu na stil i kvalitet života svih građana. Također, Udruženje će kroz svoje djelovanje i djelovanje bivših i sadašnjih istaknutih i uzornih sportistkinja njegovati tradiciju organizacije ovog sporta u našem gradu.

3. Rješavajući zahtjev Udruženja Stonoteniski klub „Sarajevo“ iz Sarajeva, od 17.05.2016. god, gradonačelnik je na prijedlog Službe, 27.05.2016. god., donio Rješenje o odobravanju upotrebe imena Grada Sarajeva u nazivu ovog udruženja, Upotreba imena Grada Sarajeva odobrena je uz obavezu plaćanja godišnje naknade u iznosu od 100,00 KM, a što je određeno u skladu sa članom 17. stav 4. Odluke o upotrebi grba, imena i isticanju zastave Grada Sarajeva kojim je, pored ostalog propisano da se pravnim licima čija djelatnost nije usmjerena na sticanje dobiti utvrđuje godišnja naknada u iznosu od 100,00 KM.

Na osnovu dostavljene dokumentacije, utvrđeno da se radi o udruženju koje će obavljati djelatnost od posebnog društvenog interesa i posebnog interesa za Grad Sarajevo. Naime, djelatnost ovog udruženja je sportska djelatnost koja je nesporno djelatnost od posebnog društvenog interesa, jer promoviše sportske vrijednosti i sport kao oblik zdravog življenja i utiče u pozitivnom smislu na stil i kvalitet života svih građana.

4. Rješavajući zahtjev Hypo Alpe –Adria –Bank d.d., Sarajevo od 04.08.2016.god., gradonačelnik je, na prijedlog Službe, 29.08.2016. god., donio Rješenje o odobravanju upotrebe imena Grada Sarajeva u nazivu pravnog lica Addiko Bank d.d. Sarajevo, a u skladu sa članom 17. stav 2. Odluke o upotrebi grba, imena i isticanju zastave Grada Sarajeva, uz obavezu plaćanja godišnje naknade za upotrebu imena Grada, u utvrđenom iznosu od 4.800,00 KM, obzirom da je na osnovu dostavljene dokumentacije, utvrđeno da se radi o pravnom licu koje će ostvarivati pozitivne poslovne rezultate, ostvarivati veliku dobit, te zapošljavati više od 30 radnika.

Naime, iz dostavljene dokumentacije utvrđeno je da se radi o promjeni imena banke, te će ista nakon registracije poslovati pod novim imenom i to Addiko Bank d.d. Sarajevo.

Nakon okončanja postupaka po svim gore navedenim zahtjevima za upotrebu imena Grada Sarajeva, obavljena je primopredaja odgovarajućeg broja primjeraka donesenih rješenja podnosiocima zahtjeva na koje se odnose rješenja, predmeti su uredno evidentirani u skladu sa odredbom člana 15. Odluke, te arhivirani.

Imajući u vidu gore navedeno, kao i činjenicu da se provedbom ove odluke ostvaruju dva bitna interesa Grada Sarajeva i to promocija ugleda Grada Sarajeva, kao i prihod Gradu, potrebno je konstatovati i sljedeće:

- svi podneseni zahtjevi, u izvještajnom periodu, odnosili su se na odobravanje upotrebe imena Grada Sarajeva u nazivu pravnog lica,
- donesena su četiri Rješenja o odobravanju upotrebe imena Grada Sarajeva,
- u tri rješenja donesena po zahtjevima udruženja građana, utvrđena je obaveza plaćanja godišnje naknade za upotrebu imena Grada Sarajeva, u iznosu od 100,00 KM shodno odredbama člana 17. stav 4. Odluke, jer se radi o pravnim licima koja ne ostvaruju dobit,
- u skladu sa članom 17. stav 2. Odluke u jednom rješenju utvrđena je obaveza plaćanja godišnje naknade za upotrebu imena Grada, u iznosu od 4.800,00 KM,
- u periodu od 01.10.2015. godine do 09.09.2016. godine, po osnovu izdatih rješenja o upotrebi imena Grada Sarajeva ostvaren je prihod u Budžet Grada Sarajeva u iznosu od 48.660,00 KM – 33 pravna subjekata prema izdatim rješenjima imaju obavezu plaćanja naknade za upotrebu imena Grada Sarajeva i to 14 u iznosu od 4.800,00 KM, 1 u iznosu od 2.400,00 KM, 4 u iznosu od 1.200,00 KM, 7 u iznosu od 720,00 KM i 7 u iznosu od 100,00 KM,
- očekivani prihod u Budžet Grada Sarajeva po ovom osnovu za 2016 godinu trebao bi iznositi 79.940,00 KM.